

Inatsisartut Suleriaasianni § 33, imm. 3, nr. 1 naapertorlugu Nunat Avannarliit Killiit Siunnersuisoqatigiiffianni Inatsisartut aallartitaannut siulittaasup Lars-Emil Johansenip aalajangiiffigisassatut siunnersuut manna saqqummiuppaa:

Nunat Avannarliit Killiit Siunnersuisoqatigiiffiata kaammattuutitut aalajangersagaanik nr. 2/2015-imik, Inatsisartut tapersiinissaannik Inatsisartut aalajangiiffigisassaattut siunnersuut:

Nunat Avannarliit Killiit Siunnersuisoqatigiiffiata Savalimmiuni, Kalaallit Nunaanni Islandimilu naalackersuisunut kaammattuutigaa Issittumi nunat tamalaat akornanni unammilleqatigiinnerup annertuneruleriatornerani nukittunerusumik inissisimaqqulluta Nunani avannarlerni killerni assartuinnermut pilersuinnermullu tunngasuni ungasinnerusooq isigalugu ataatsimut anguniagaqarsinanannermut periarfissat nalilersorlugit misissueqqissaarnermik suliaqaqqullugit.

Tunngavilersuut:

Nunat avannarliit killiit pingasut apeqqutit issittumut tunngasut suleqatigiissutiginerisigut annertuunik ataatsimut pissarsiaqarsinnaapput. Nukiit assigiinngitsut kattunnerisigut nunarsuup immikkoortuani matumani ineriartorneq annertusarniarlugu nunat siuttuusinnaapput. Issittumi pissutsit allanngoriartornerat, umiarsuartigut angallannerup annertusiartonera ilutigalugu, nunarsuup immikkoortuata matuma periarfissaa ilisimatusarfigineqarneruneratigut kiisalu avatitsinnit eqqumaffigineqarnerlerneratigut, unammilligigassarpassuaqarpoq kisiannili aamma periarfissaqarpassuaqarluni.

Nunat Avannarliit Killiit Siunnersuisoqatigiiffiat isumaqarpoq pingaaruteqartoq nunat avannarliit killiit Issittumi naalackersuinikkut siuttuunissaat Issittumi nunarsuup immikkoortuata matuma unammillersinnaassusia annertusarniarlugu. Silap pissusiisa allanngoriartorneri pissutigalugit immap sikuerukkiartornerata malitsigisaanik Issittumi nunat allat namminneq periarfissatik pitsaanerulersinniarlugit suleqatissarsiortarput.

Nunat Avannarliit Killiit Siunnersuisoqatigiiffiata 2014-imi Vestmannap qeqertaani ukiumoortumik ataatsimiinnermini aalajangerpaa ataatsimut ataatsimiititaliamik pilersitsiniarlutik siulittaasoqarfimmit kiisalu aallartitanit tamanit ilaasortamik ataatsimik inuttalimmik. Ataatsimut ataatsimiititaliaq 2015-imi marloriarluni ataatsimiippoq suliasaralugu nunat ilaasortaasut suliasaqaqarfinni suni ataatsimut soqutigisaqarnerat nunat akornanni suleqatigiinnermut nukittorsaataasinnaasunik paasiniassallugu. Ataatsimiititaliap sulinerata inernera nalunaarusiami ilanngunneqartumik "Issittumi nunat avannarliit killiit suleqatigiinnerannik siumut isigisumik Nunat Avannarliit Killiit Siunnersuisoqatigiiffiata naliliinera" atuarneqarsinnaavoq. Taanna siunnersuisoqatigiiffiup aggustimi 2015-ii Runavikimi ukiumoortumik ataatsimiinnerani akuerineqarpoq. Nalunaarusiaq tunngavissisinnaavoq suliasaqaqarfinni nunat ataatsimut soqutigisaqarfiini nunat avannarliit killiit ataatsimut issittoq eqqarsaatigalugu iloriusissiassaannut

isumassarsiorfittut. Nunani Avannarlerni Killerni suliassa qarfiit suleqatigiissutigineqarsinnaasut ilaattut assartuineq pilersuinerlu suussusersineqarput.

Kaammattuutitut aalajangersakkakut assartuineq pilersuinerlu eqqarsaatigalugit suleqatigiinnerup sakkortusarneqarnissaa kaammattuutigineqarpoq. Nunat Avannarliit Killiit Siunnersuisoqatigiiffiat isumaqarpoq nunat pingasut peqataasut pisussaaffigisariaqaraat Issittumi ineriartorneq eqqarsaatigalugu siuttuussallutik, suliassa qarfiillu ilaanni, minnerunngitsumik suliassa qarfinni aalajangersimasuni, ataatsimoorinnaagutta nukittoorujussuussasugut. Anguniagaq tassaavoq Issittummi innuttaasut nunarsuup immikkoortuani inuuffigisaminni suliat qanoq ineriartornerannut sapinngisamik annertunerpaamik sunniteqeqaqataanissaat. Tamatumunnga atatillugu nunani avannarlerni killerni nunat pingasut qitiusumik inissisimapput.

Nunat avannarliit killiit Atlantikup avannaata qeqqani Europap Amerikallu avannarliup nunavittaasa akornanni inissisimanermikkut, Issittorlu aqqusaarlugu Asiamut Asiamillu assartuinerup annertusiartorneratigut, assartuineq nunat ataasiakkaat aningaasaqarnerannut sunniteqarneruleriartortussaavoq. Nunani avannarlerni killerni nunat periarfissat akisussassuseqartumik iluaqutiginiarsinnaassappatigut pingaaruteqarput naalakkersuisut nunarsuup immikkoortuani matumani ingerlatat annertunerulernissaannik tapersersuinissaat. Tamanna pillugu nunarsuup immikkoortuani matumani suleqatigiinnikkut nunat pineqartut pingasut nunat tamalaat akornanni unammillersinnaassuseqarnerat annertusarneqarsinnaasoq taamatullu aamma assartuineq pilersuinerlu eqqarsaatigalugu ataatsimut anguniagaqarneq Nunani avannarlerni killerni atugarissaarnerulernermik malitseqarsinnaalluni. Suleqatigiinnermni nunat ataasiakkaat namminneq anguniagaat isiginiarneqassapput taakkulu soqutigisaannut ikorfartuutaassalluni.

Island, Kalaallit Nunaat Savalimmiullu tamarmik pissarsiassa qarput nunat avannarliit killiit tamaasa eqqarsaatigalugit ungasinnerusoq isigalugu ataatsimut ilioriusissiorneq eqqarsaatigalugu suleqatigiikkunik. Assartuineq nunat tamalaat akornanni niuernerlut qitiulluinnarpoq assartuisarnermilu naammassisaqarnerusinnaaleraanni tamanna tunngavissiisinnaavoq nunat pingeqartut pingasut aningaasaqarniarnerisa tunngavigisaasa nukittosarneqarnerinut. Nunani avannarlerni killerni susassaqtunut pineqartunut pingaaruteqarpoq nassuerutigissallugu nunani qanigisaminni inunnik nioqqutissanillu assartuineq eqqarsaatigalugu nunat tamalaat akornanni unammillernerlut peqataagamik, tamannalu atuummat nunani pineqartuni inuussutissarsiutit pingaarnerit, aalisarneq, takornariaqarneq nukissiornerlu, eqqarsaatigalugit.

Assartuinermi nunat pineqartut pingasut inissisimanerat nukittorsassagaanni pilersuinerlut attaveqatigiinnermullu atortulersuutit ataqatigiilluinnartariaqarput. Nunarsuup immikkoortuani matumani pilersuinerlut attaveqatigiinnermullu atortulersuutit, soorlu mittarfeqarfiit, nunat tamalaat akornanni ingerlatanik sullissisinnaanermik naammassisaqarsinnaassusiat, taamatullu aamma suliassa qarfinnut allanut soorlu nukissiornerlut, nalunaarasuartaatigut attaveqatigiinnernut, peqqissutsimnut ilinniartitaanermullu atatillugu piginnaasat misissorneqartariaqarput. Taamatuttaaq pisariaqarpoq Issittumi angallannerup annertusiartorneranut atatillugu usinik umiarsuarnut allanut nuussisarnissamut periarfissat misissussallugit, taamatullu aamma nunat tamalaat akornanni qitiusumik ujaasinerlut annaassiniartarnernullu qullersaqarfeqalersinnaanera. Tamatumunnga atatillugu misissorneqartariaqarpoq suliniutit taamaattut aningaasalersornissaannut periarfissat assigiinngitsut suunersut, qularutissaanngilarli aningaasalersuinerit ilisimasaqarnerillu taamaattut

nunat tamalaat akornanni suleqatigisanit pisariaqarmat, minnerunngitsumik suliniutit annertunerusut eqqarsaatigalugit.

Nunani avannarlerni killerni suleqatigiinnikkut assartuinerمني pilersuinermilu naammassisaqarsinnaassutsip qaffassarneqarnissaanut, taamatullu aamma tamanut iluaqutaasussamik nunat tamalaat akornanni naleqarnerulersitsinissamut periarfissat ullumikkut iluqutiginiarneqanngitsut iluaqutiginiarneqarnissaannut nunarsuup immikkoortuani matumani susassaqtut akulerusimanerunissaannut, periarfissarpassuaqarpoq.

Pisortanut aningaasatigut allaffissornikkullu kingunerisassai

Missingerneqarpoq piffissami ukiunut marluk ingerlaneranni ukioq naallugu sulisumut 500.000 kr.- inut naapertuuttumik atuisoqassasoq.

Namminersortunut aningaasatigut allaffissornikkullu kingunerisassai

Imaaliallaannaanngitsaq. Nalilersuillunili misissueqqissaarnerup inerneru assartuinerup attaveqatigiinnerullu iluini pitsanngoriaativinnik malitseqarpata naatsorsuutigineqarpoq tamanna inuussutissarsiortut aningaasatigut pissarsiaqarfigisinnaassagaat.

Innuttaasunut aningaasatigut allaffissornikkullu kingunerisassai

Imaaliallaannaanngitsaq. Nalilersuillunili misissueqqissaarnerup inerneru assartuinerup attaveqatigiinnerullu iluini pitsanngoriaativinnik malitseqarpata naatsorsuutigineqarpoq tamanna innuttaasut aningaasatigut pissarsiaqarfigisinnaassagaat.